

Hans Godeken unde Hans Müller mit utgeredeten handen, stede unde vast unvorbroken to holden to ewigen tiden by vorfalling alle ores gudes bewechlik unde unbewechlik, truwe darby to wesen ane jenigerleige vorjumenisse unde hindernisse. Dusse dink syn gescheyn in Helmestede, Halberstadensis gestifte, in Hinrick Brockmans huse in syner dornzen 1) in dem jare, indictien dage, mante unde papestdom, so boven bescreven, in jegenwordicheit der erjamen manne unde borgere Hinrick Hardtman unde Zegelke Menger lofwerdige tugen darto gebeden unde geeftet.

Unde eck Johannes Hermes, clericus Halberstadensis bisscôpdomes, openbare sriver van keiserliker gewalt, wente alse dut testament unde leste wille unde der testamentarien schickinge unde ordineringe unde alle andere artikele boven bescreven alsus schegen unde gedan worden, mit den genanten tugen (Signum an unde over jegenwordich byn gewesen. Darumme notarii.) so hebbe ick dut jegenwordige instrument mit myner egen hand gescreven darover gemaket unde in eyne openbare formen unde stalt gebracht unde mit mynem namen, tonamen unde wontliken signete este tekenen vortekent hebbe. Darto gebeden unde geeftet to tugen unde to orfunde aller duffer vorgeschreven dinge unde eynes isliken besunderen.